

皇清文穎續編

皇清文穎續編卷六十七

詩

五言古詩

奉

勅題畫

錢陳羣

松巖濕翠

畏畏高松寒漉漉衆壑赴山翠與澗碧深處疑無路
愛聽雨後泉扶藜過橋去

溪山積素

瑞雪兆豐年萬壑看積素但聞隔林鐘不辨入山路
松下見青泥歸鶴此焉步

荷渚清涼

愛此林塘幽荷香淨無滓閑雲牕外生宿鳥花中起
絕似嵒山湖一鏡清見底

雲屏掩靄

秋巒滌餘靄暮色連衆壑山靜屐自稀扃戶甘寂寞

只待鶴歸來悠然下雲箔

奉

勅題文彭刻小品江山圖章九枚

王杰

有石不逾拳攢匣列峯九下鑄摹印文盤曲隨黝糾
篆形蛟蛇蟠蜿蜒辨跟肘陽冰傳四法神奇詎師受
此中得天真規矩藏老手

天章嘉壽承

文彭字壽承

壽承斯益壽

應

制詠側理紙

于敏中

天池展雲綃縹采蘊綸組擷以海上槎擣以月下杵
奇文參伍交登簾訝橫豎韋肌膩不皺簞褶斜可數
循環無端倪舒卷滅縫縷偉茲徑丈製如橐誰所鼓
造疑蛟人宮獻或波斯賈側理錫厥名封國詎藉楮
王嘉工拾遺逸事徵典午云昔張司空博物搜委羽
書成始奏進萬番賜秘府流傳厯章紀方幅世罕覩
苞符不秘珍貢入

羣玉圍環瑰麗聯璧衡量妙疊矩曉趨

蓬萊殿傳觀拜

詔許啟緘石髮香色澤黠而古氷紋目初眩玉瑩手
徐撫鯁生渺聞見權輿莫能舉於時快雪晴截肪試
尺五

神契海嶽書煥發墨光聚波折隨漣漪縱橫挾風雨
貴紙惜有餘程材善擇取一供麟管揮一付縑囊時
賞心適

幾間

藻翰紛妙緒好時如通神遭逢慶得所沐浴瀛壺膏
菁華耀函宇

應

制題文嘉石湖秋色

金士松

曉色湖上來煙鬟翠新沐蕭蕭黃葉寺高下架巖腹
僧徒乍啟關散步媚幽獨橋長枕平岡塔古卧寒淥
微辨煙中舫風帆欹幅幅吳中山水郡縑素留清淑

自經

翠華臨

天藻麗山麓雲容獻韶蕩花氣競芳馥至今湖心亭
動影見渟蓄物態轉春和醲景異秋肅小臣生吳鄉
屐齒記頗熟展卷恍重遊晴巒縱遙目

應

制題漢億年無疆瓦

那彥成

非甄復非石承溜潤芳澤鄮侯名不鏽歐陽讀宋鑑

鏡平苔簇花繩絡波皺碧

墨雲儷雙美未央同合璧

慎修物用箴

真賞理無易吉語協

昌齡古光煥

瑤席

敬題

御筆古幹梅圖

董邦達

侵曉踏觚稜衝寒雪意作鼻觀聞妙香盆梅發

秘閣

天筆信手拈古韻寫澹泊琢玉蕊自含鑄鍊難初削
迎蟄起老蛟散步迴瘦鶴圖成復

題詩冰雪清可嚼晝漏午欲移啄香下凍雀坐令與
臺姿自笑徒糟粕

敬題

御筆夷齊廟四景

于敬甫

首陽何高高直上峯嶺岼緬維古賢蹤避世茲盤桓
揖讓有餘慕黃農動長歎采采西山薇聊以當朝餐
求仁而得仁令名垂不刊至今墨胎墟遺蹟供覽觀
古堞誌封邑繚曲如彈丸堂前草芊芊縣堂下松屈蟠
惟茲一畝宮環堵蕭然安

時巡此駐蹕憑眺宇宙寬撫勝列四景論古表二難
元氣符化工一一歸豪端卷舒太虛雲浩瀚灤水欄
清風拂天表萬象凌高寒

恭和

御製桃花寺八景以題爲韻元韻

德保

湧晴雪

靈源出上層委折透巖穴濺風珠顆碎激石冰花裂
盛夏生嚴寒幽境駭奇絕潤霑百卉榮功並豐年雪

小九疊

銀漢破天垂飛空聲雪響虬松俯奔流噴沫濯鱗鬣
渴虹怒飲川碎玉紛傾匣如入武夷山勝賞喜屬

吟清籟

數株松繞屋清韻來空外此中有妙理心遠神自會
潺潺挾風濤浩浩流襟帶何必奏笙簧一氣鳴天籟

坐霄漢

勝地據千峯清幽供灑翰寒披雲霧衣翠掩藤蘿幔
美景當仲春浮嵐羃山半幸依

日月光咫尺仰雲漢

雲外賞

駐蹕近蘭谷鳥道盤空上春色出人間霞綺落千丈
俯視隔蒼茫超然心獨爽寧復問桃源仙境邀
宸賞

滌襟泉

石罅小池平一碧涵空天流謙無盡時影瀉盡
涼颼扇雲裾妙會誰能傳卽此愜

天心混混契原泉

點筆石

依山寫性情隨地爲硯席山擁文峯壯苔凝墨瀟瀟石
一經

磨藻題千秋垂勝跡吮筆侍

皇王榮哉此拳石

繡雲壁

屋後列畫圖連峯勢吳敵怒樹峙丹崖白晝陰沈寂
山體靜有常雲容倏變易因憶杜陵詩半空瞻翠壁

恭和

御製遊東甘澗古中盤諸勝元韻

劉綸

浹旬入塞垣山山可吟眺雄蟠如壯夫粉黛恥妍妙
郵筒愧才薄未足副投報行勝遽南指馬首見青峭
窈窕名山盤百里直馳道斜陽在佛塲青紅辨古廟
秀氣逼鬚眉兼欲變形貌清風生夜闌喁喁吹萬竅
明發日晏溫應識

宸遊到山示久候

蹕宿雨濯壺嶠茲山有二澗東澗區更奧茲山有三

盤中盤宅尤喫偃蓋樹攪拏劈絮雲蒙冒

天行出象外無挾而徑造極望若培塿瑣細安足較
萬狀羅品題

典學以示教卽事邕

睿懷石隱緬高調徵士得山名名山得

詩耀從官幾兩屐對此行自笑濟勝坐無具焉用山
水樂譬彼適江湖滿腹但一醕譬彼居甑底大園詎
能料藩籬得粗涉何似窺竊窬所希聖燈垂光明燭

巖窔

微臣

最鈍蹇無能復無好居山等面墻不作方

輪膏如斯腰脚頑遑敢避呵誚陪扈幸留身

瑤篇披翠照矢音樂愷悌卷阿恍賡召還仰遊歡時
容倣勅幾要

恭和

御製閱永定河隄

賜示元韻

方觀承

渾流古無定不治本無事自束兩長隄永定轟轟

乍覺河患失爲檢農田貴設官重修防廂壩椿婦壩
潞潞六十年改導亦因勢尾間藉淀廣壅沙漸失利
勝芳與三角蓄眼久平地趨下下增高葉淀淀之次
且復籌歲修何由冀長治故道屢議復利沓害先至
相望七百村莫讓盈丈渠當其夏濤險心驚撮土潰
但有崇榘菑焉能惜錢貲豁壩俾傍洩汎至得屢試
頻年獲安瀾收效尙在是臣職惴惴司初至審利弊
近甸厘

疇咨了此殊不易

巡觀如舊厯一一別宜忌詎可鹵莽爲深惟今昔異
頻申陘築戒須省淪注義緬彼六工下地濶宜爲計
拓使波流寬衍任泥淤寄數十百里中

頓轡勤

指示稍存兩隄舊無拘故道議淀近沙不入海遠水
終致拜手

謨訓垂

宸章繹精意

恭和

御製喜雨詩元韻

阿克敦

驕陽騁炎威
雨微暑難却
綠野待霑濡
禾苗恐穉弱
憫農塵

聖懷一日幾詳度
亢旱雖未甚亦頗慮焦灼
求言及時政
大庭共參酌
愷悌契穹蒼
解澤雷雨作
旱魃立驅除
無復肆厥惡
沛然遍郊垌
汨汨流坑壑
天地自

氤氲空冥勢盤礴如飲瓊玉漿如獲醫王藥從此卜
有秋西成倍收穫頓釋

黼座憂行見田家樂歌詠屢豐年相將紀時若
足繪圖雅詠期商榷永懷無逸篇廟堂罕闕
求莫心翕受同虛籥以此布膏施何難徧六幕
帝德戴高深仰承愧孱薄

恭和

御製於木蘭作元韻

粘 瓊

獵場徑千里置之勿郡縣匪僅供遊田

祖制有深見諸部來享王茲地卽侯甸綏遠兼蒞戎
邊塞斯永奠

相如賦上林詞夸識終園豈知秋納鉢百蕃扈行狩
霜薄草未衰山遠林益茂間歲以爲期地媼獻奇富
雲氣忽到地雨絲點衣斑一徑入崖口風色增暮寒
馬喜首猶肥人便雉免餐萬帳夜無聲銀漢耿玉盤
揚旌徧重巖巖谷邃而美長圍合平蕪萬轡齊進止

唐弓挽九合

大勇古莫比物盛固當節行秋以肅理

蒲梢況太乙天馬垂聲譽磊落毛骨異貢來羈勒初
顧影自矜寵夾鏡熒目隅蕭蕭北風起幸得備馳驅
帳殿便張拂斜日山之幽名王稽顙來

高宴凌清秋鉤天仙響徹仰視行雲留餘歡汲焉
一點提草頭

錦繡開絕壁悠然契雲心野花不辨名亦足資

雅吟妙悟思遠託象外自酌斟

元聲天半傳空山有遺音

飽霜松落葉積水木夜光攢峯若奔馬亂石如伏羊
九派滙清灤溯源此濫觴奇秀非人工真面留淳熙
時巡度巖關歷攬神明喚按節用三驅適情得二樂
迴

蠻秋未中萬景羅清昊

庸作木蘭篇微言示體要

恭和

御製聲輪洞元韻

鄒一桂

重峯嵌烟蘿層梯抱絕巘下有蛟龍宮函光貯絳輿
是法貴布施幽閔乃獨善鑿開巖際雲便是捧額
法水長粼粼涉足試深淺

恭和

御製千尺雪元韻

德保

石髓導山腹雲液融崖根驚聲落千尺直下垂淵壑

緣溪數回洑涵碧無纖塵誰瀉一串珠宛轉光照人
似鼓七絃雅韻招游員赤城與水簾彷彿圖畫陳
汲泉瀹新茗清味尤怡神仰參

智仁性山水常相親

恭和

御製松子元韻

錢汝誠

東維擅靈秀育此喬柯松奧區赦斤斧厯劫撐高空
虬枝作偃蓋俯影青童童中有千歲實護以雲萬重

莊嚴多寶相隱現光明中火珠與蕉葉礪砢綴玉蓉
青牛及青犬百剖難一逢藏或穗苞異擘乃蓮房同
離離沆瀣美顥顥肪脂濃羣仙之服食鸞鳳乘天風
下採三百萬飛行氣如龍共道偓佺侶不然方瞳翁
上以獻

天子下以遣顥蒙顥蒙服且壽大勝餌朮攻嘉茲五
粒種橐籥收元功

恭和

御製車邏壩元韻

于敏中

東隄百餘里障川使注海車邏本滅水滾壩後始改
濟運佐節宣引流免危殆啟閉果及時其功乃十倍
昔聞捍洪湖恃有高堰在東漢留迄今修治未能罷
天然尾閭泄於焉小貞悔田廬旣無虞民物亦同愷
或爲下游計築堵力匪懈小補雖獲安久壅因致潰
勞心肝復宵

浦澤西及亥野息飛鴻哲人鮮分慶駭萬室困復蘇

元功契真宰

巡方撫長淮遶郭春波浼

一豫固在茲屢豐行可待河祇職安瀾效順惟欽乃

恭和

御製車邏壩元韻

錢汝誠

桐栢迤邐來奔赴勢趨海山經及水注約畧未更傳
何年創築隄多利亦孔殆况復黃日強敵禦力東傳
其間亘運水

天庾所資在疏濬旣難行壩牐詎容罷啟閉責因墮
其免後時悔往者閉復啟下河欣澤愷以是藥鉢泉
厥後遂致潰流行偶告禋曰歲酉與亥仁愛本
天心惻怛顧增駭遣視

命重臣

訓示逮牧宰

來遊覩安集復喜春波浼

懷保視如傷衽席登可待底績奏安瀾是用歌裕乃

恭和

御製拈花寺元韻

錢陳羣

穹窿雙嶺趨下有空王宇赤鬚旣拔宅赤松在何許
至今講法堂毒龍護鉢雨清泉磴上流

蹕路花間取行漏答鐘聲怡情會竹所空際茶煙浮
簾外香篆吐連延岡我我礫石層層春雲濛濛
罅處時一補如如與皇皇妙要括

天語光福十里遙玉策輕風舉

恭和

御製虎邱寺再和蘇軾韻元韻

程景伊

窈渺湖之濱橫側幾峯嶺一阜居城東頗恨觀天井
侵曉人烟紛入夜漁火耿樓臺喧鳥鳥原田聒鼃鼃
視彼支鄧山判若金與礦相傳白足踪蓮舌化頑猛
石果可點頭山何不雲騁經臺久寂寥泉流亦鳴咽
結搆今再新飛輦俯綠頂一勺古劍池小雨春波綠
巽我可中亭依然白日永樓頭髻仙句千古照清景

不見鸞鶴姿蕭騷松檜影迴舟觀未止他山敢再請

恭和

御製登六和塔元韻

蔣 溥

江皋邈迤平凌空卓厯堵孤影落波心魚龍藪其所
浦西擁鐵幢水驛一亭古七級似梯雲天半數鈴鉤
茫茫厯劫灰萬物真逆旅稽首禮如來慧燈澄浦
寶花作供嚴篆開香一炷春和

仙蹕臨大千憑覽取石壁寫經書繡繹猶南部書

擊海雲晨鐘落紅雨始信宇宙寬扶欄萬象俯歌還
共人天濟度衆生苦

聖澤倚天長何須煉石補

恭和

御製遊獅子林元韻

錢維城

青山何偃蹇有若中林士恠底岩壑奇屹焉入闌市
狡狴舊得名擅勝良久矣位置傳雲林匠心技至此
暢以潑墨趣渾然去雕飾盡如蕭平林槭磊磊白石齒

當其天機到萬里在一尺顧此十笏地巧作佳山水
結構將毋同濯叢無虛倚鑿空幽以奇拾級行且止
彷彿小有天懸崖垂石髓鵝溪一幅綃如玉未鏽毀
烟雲漬舊痕池亭儼餘址何幸登石渠珍並琳琅紫
來遊仰

宸藻厯厯標畫旨繪圖勉承

命前師謝倪子

恭和

御製若冰洞元韻

錢維城

乳竇噴新泉小池迸寒泚天風颯然來茲境清冽止
何如貯玉壺一燈琉璃髓泠泠激溜聲宮商徵焦尾
洞口誰結茅磴道盤邏倚朗鑒淵其淵澄觀止則止
方春含凍纈嵌空悟大始若冰本非冰恍遇姑射子

恭和

御製聽雪閣元韻

莊有恭

化工賦物形奇幻復何底無聲能聲聲難於領畧耳

意象所不到

天題發奧美虛室架山椒吉祥生止止肇錫以靈名
山靈應誌喜無風滿清聽超想入元始鈍根亦復墮
點頭寧自己

恭和

御製遊攝山棲霞寺用尹繼善沈德潛唱和韻元韻

尹繼善

宦跡遍天涯名山孰爲冠點筆誌勝遊昔人每增嘆

棲霞夙仰止譬若瞻霄漢牛首共鷄鳴羅列似幼卑
千巖萬壑中舊迹皆可按空青浮欲滴白雲出猶戀
塔影挂懸崖茅廬結深院岩堯峙江干秀蔚歸靜觀
藜杖與芒鞋也學老僧辦

公務有餘閒時尋松竹徑谿壑窺以深體勢奇而正
一自建

離宮起愛復生敬好鳥與飛花點染皆天性幸奉屬
車塵永爲山林慶縱曰大江南不數諸名勝藉以供

宸遊更願娛

慈聖三吳指顧間曲欄週可凭處處

念民依寧圖耽視聽

迤邐六七里四面環峭石步步入烟霞層層見岩峇

卓然踞其巔置身高八尺敢謂人工巧還宜鬼斧圻

蒼松爲翠蓋青蘿作繡帟昔年崇象教諸佛攬絕巔

恍似西方來變化千萬億靜看下界人碌碌往來者

韶光去不留閒雲飛不息何處瀾華陽仙洞謫塵蹤

相傳有石洞可通
華山尋之不得

白乳舊名泉呈祥推白鹿茶可傍石煎酒或脫巾漉
薄暮風雨來淙淙應空谷遙峯互掩映幽澗數回漲
環流

行殿前匹練走飛瀑端知

聖化昌景命洵有僕食德而飲和蒼生同受福遊豫
聆清音較勝調笙筑

遠景辨依稀層巒分下上尋幽復探竒隨在邀

宸賞烟樹色蒼蒼江濤勢潏潏眼良盡田廬風光何
澹蕩

輦過百花中香雲白來往峯回路轉時梵鐘遠
絕頂任躋攀空明羅萬象仙境擬蓬萊飄然塵外
問俗重

時巡補助無非事惟此災後民

宸衷念不置疊施濟衆

恩間閭得攸墜歡笑繞行鞭拜舞隨

龍騎景物入

新詩梅柳及荷芰觀海難爲水浩瀚望無際寰宇
雍熙山川效靈異緬維古百王後先罕能僊登四
矢盲賡颺句難麗

恭和

御製遊攝山樓霞寺用尹繼善沈德潛唱和韻元韻

錢維城

攝山峙琅琊我我此具冠似織懸晴空悠然起清涼

計丈百三十兀突撐霄漢上跨千佛岩寶髻露兩朶
琳宮隱翠微名勝可靜按到此神自閒飄飄忘物戀
大江流天外練影入經院白日湧龍壘縱目森偉觀
圖畫開天然化工匪易辦

剝落青赤碑厯劫烟霞徑磅礴妙縱橫鬱律兼奇正
美哉明德遠雒誦肅焉敬瑤草何茸茸採之以益膳
俚道者流服食期頤慶根緣仙雨滋洗以珠泉騰
環崖皆生意承

輦解迎

聖幾餘試登眺山房聊一凭謾謾滿林風天籟徹清
聽

古賢去已遠遺迹在獨石四山觸飛霞高阜提峇峇
明生有令子鑿石幾百尺凸驚山骨撐豁若厚地圻
松竹交其厓盤礴似張帟更聞二石佛衣褶皺絕壁
頗疑愷之畫落想過百億旁有白乳泉泠泠酌游客
天然幽曠外

六御此焉息從此崑上水吐納九地脈

行宮峙中峯泉水號白鹿禱雲護靈寶滋液出溱澠
其初天漿藏至寶在厓谷九龍走石罅一脈自溷狀
須臾噴階砌冷冽送飛瀑捧持薦玉壺奔走先宮僕
偉哉

至孝備巡行召諸福山靈永呵守清韻奏簫筑

巋巋最高峯迴出衆山上烈風來無時極目發清曠
回首眺大江雲樹入蒼莽

宸遊俯八極天心見浩蕩東流去不息雲氣與俱往
時聞天外音勢挾飛濤

龍光近霄漢親切偈星象奇景已畢收何必凌雲想
名山鎮大邦古帝所有事誰云非五嶽巡省可忽置
所以

聖人心不忘爾來旣遂令春雨橋得渡七驕騎回思
僧紹流石隱甘製芟豈意數千年

翠葆臨此際

小臣

謬簪筆

命圖荷殊異馳騎寫嘉陵拙劣非其儷况復賢

天章自眩日月麗

恭和

御製遊攝山棲霞寺用尹繼善沈德潛唱和韻元韻

李因培

連山起太江突兀一峯冠勝域今始探嘉名宿贊
山靈望

幸久瑞氣切雲漢亂砧疊若棋平嶧俯如鼎靜綠松

追攀靈蹟供攷按前瞻目先營後顧神尙戀因尋
君居遂造釋子院登高得時升領異符大觀平生幾
兩屐茲遊庶能辦

棲霞古梵宮翠律峙山徑雲深塔光微日午幢影正
僻室僧養真虛堂客生敬砌幽敷藥香池靜暢蓮性
棲禪地自靈近

光人所慶稍轉修林坳遂羅絕壁勝陰森遊九僊刻
畫鑿千聖礪容習靜探巖勢凌空凭更上紫峯閣疏

鐘豁塵聽

長松如怒龍天矯裂磐石濃連殿層層密映峯峩峩
成形兼抱圍聳勢越尋尺亭亭霧鬣垂磊磊霜皮折
依巖疑列屏蔽壑似張帟日影藏高厓風聲動絕巖
蕭森陰百重鬱律態千億林斷塵外踪徑棲靜中客
眷茲六朝遺舊澤猶未息行行轉層阿更溯雲根脈
白乳出半山春泉時餘鹿涓涓細淙噴靈液日滋潤
軒開臨澗阿

殿構枕匡谷疏源分仄縣導派辨流湫波鑿漚成澤
溜濺飛作瀑探幽每引人數勝難更僕佇邀

宸遊臨庶克稱地福清音日夕聞何必琴與筑

峩峩太虛亭鳥道一徑上延迴無近瞻縹緲有遐賞

三泠勢迢迢九派波潏潏既窮途逶迤通彌覺天浩蕩

鶴翎排霧升龍躡御風往日入羣峯陰風來衆壑響

耽幽澄心神感化撫物象靈藥堪攝生於茲絕凡想

迴塗趣非一升降遺塵事淺深岫壑移高下亭臺置

尋碑屢摩挲遇石時息墜晨理烟外筇夕歸水邊騎
越峯攀薦蘿緣澗採蓮芰送目周地維遊心入霄際
討搜窮窈冥登頓出幽異眷言良辰陶深愧雅曲儻
所欣

翠華來

天章被藻麗

恭和

御製出古北口元韻

觀保

古北何雄哉千峯峭復折自古華夷界其外衆蕃列
形勝真與區險乃天所設畫關始何代守禦惟恐缺
山城亘如蛇餘迹堅未裂想見傳箭勞防邊粟秋節
扈

遊茲焉過迴絕門戶別閒雲渲翠屏遙雁寫空扎豈
特撒屯戍萬部方內結雖當險百二寧恃盤十八由
來聲教隆率土同軌轍不見諸戎王歲以從狩悅

恭和

御製總河白鍾山等奏報秋汛平穩詩以誌慰元韻

王際華

大河貫百川北條水所集竹箭下龍門東流自此急
泥沙動復停深難計丈尺遷移古逮今衝決幾焉至
豈知障頽波

禹功自有力

至尊勞宵旰經久爲謀畫往時河上廬風雨愁傾覆
於今淮口舟迴颿聽鼓擊始知治水方劍痕不可剜

疏防因其勢俄看洪流息初開風神堰濁浪清淮潞
更築毛城隄積澱木驚克千里導洪濤九曲歸順直
帝力不可忘萬民皆慶額微勞盡受賞方命安逃責
應知徐泗間蕩徙災脫劇指授出

宸衷庶司謹其職澤國永奠安周流同百脈

恭和

御製阿克蘇城回衆投降詩以紀事元韻

劉統勳

兵行貴神速勇者制勝易但使我能攻不患彼有備
所當振策前豈望束手棄蠹茲回鵠種羣毒勢小熾
鼙鼓聲再鳴鶴唳魂已悸拉朽而摧枯是惟大將事
胡不着爾鞭轉自紆其轡幸賴

聖主威懾茲廣漠地潛移頑梗心力決順逆計不特
痛有三深畏羅張四從此奮旗鏃弱水西可鑿藏
皆梟獍惡稔絕噍類焉有握太阿莫截螳螂臂
詔代將匪曰某屢置惟斷功乃成古語具深意

王弩張醜旅莫我拒萬馬殷雷碾一體遞相使預知
月支頭來向藁街實況乃

睿畧遠操縱原有自萬里平戎策已授臣兆惠所期
勉報

國事機諒不昧功成圖麒麟明光看拜
賜

恭和

御製阿克蘇城回衆投降詩以紀事元韻

劉綸

日月照雪霜勢比銷膏易赴幾貴神速掩之不及備
纏頭最爾種戎索寧自棄大兵初拔城茶火亦云熾
郅支首未懸昆彌膽先悸一鼓氣已作長驅藏威寧
何爲阻前茅允豫甘紆轡雄鎮阿克蘇形勝藉幽阻
伯克自署官強施籠絡計彼衆雖如林黨惡塵三鼎
推刃競相讐輸疑後先暨降幡出闔都自拔臨獨顯
傾心首厥角效命若指臂因之擣巢穴記里同傳靈

服以擒縱威示以寬大意行看契狃窮詎有輕軀
乘時明且決端資持節使舉棋爭先着庸得株守
卽今內面人于于來有自

詔往作六師將軍臣兆惠一掃旄頭芒重開幽谷
洗甲臨火敦永清荷

天賜

恭和

御製瀑源元韻

劉統勳

靈源通地脈懸瀑穿天孔曲徑落崕呀危磴圍穹從
雨晴泳濺裙秋入雲飛隴披榛若拳幃刈蔓如開籠
魚遊力上溯鳥過影倒趺岯張一派垂峽隘千條擁
空宇照晶晶顯氣覆滃滃資深詎待濬奔湊知難壅
此中瀕洞含其下波濤洶皓魄滿欲流素奩寒不動
象爲石甕注周作嶽蓮聳根極四溟會鑿謝五丁勇
萬古玉膏流半夜神光湧

恭和

御製瀑源元韻

蔣溥

瀑泉如玉虹天矯出石孔常時掛峯巔仰視勢容從
聖心務討源登陟向高隴灌木森參天夾道碧陰籠
蹊迴勢疑縈坂仄形若戛豁然擘巉巖欲合不可攏
上池滙靈根乳液時淳滂疏剔導其流榛莽少塞壅
裂竇寒更清鳴沙靜還洵文瀾蕩鏡中雲氣忽飛動
潭傾萬淙攢巘倒千影聳奔湍濺空青一瀉有餘勇
想見在川懷目契真機湧

恭和

御製千佛洞得古體四十韻元韻

介福

發軔自臺懷計程廿里約石逕厯巖欽仙洞藏深竅
何年摩巨靈頓開此幽嶠橫峯旣刻施奇石故排界
緣磴繚以紆懸厓險且拗誰能窮虛牝或恐陷深淖
於茲課怯勇來雀視俊鵲招提構其間沙彌各健健
振策往來輕履險曾不嬈法螺聲鏗鉤風幡影動搖
人天咸皈依羅拜自遠徼洞中千佛狀一一拈花笑

獅猊寶座蹲龍象大力効法報詎有二精能各宜劬
阿耨三菩提何人領其要世尊昔說法三車穩於轡
律論後來分空貼耳食誦

至尊今支殊三教同一抱

清蹕偶經臨揮鞭乃徑造山田平如掌僧屋小於帽
愛茲洞壑幽一洗風塵鬧西陲况大定策勲始告

廟西苑圖功臣颯爽褒鄂貌式廓啟膏腴采入厯深
究諸部扈

蹕來千列周廬繞鼓勇更習勞武戢

德彌耀呼吸天地通知仁山水樂祁祁雨填渠穰穰
穀盈窖在宥古皇模大慈法王教因之奉

慈輿春暉怡遠眺一綫龍泉關千迴鷲峯道清涼誦
夙緣巖谷含靜妙山靈呈奇境倣詭不可料空歎拔
地雄鉞瘦倚天峭寶樹娑羅明佛鳥伽陵叫心賞
天章如譜雲成調雕鐫出化工景物入

膚照峇堯五頂奇駘蕩三春韶拜手瞻

宸翰恍若身親到載賡愧無文末由闡突與

恭和

御製千佛洞得古體四十韻元韻

錢大昕

宗門心卽佛立說簡而約云何有千佛誰解此理竅
清涼真佛國仙洞鑿崑嶠得毋五丁手抉幽力排異
沿溪向右折十步九回拘始進若入窟漸深未掀渾
奇峯紛羅列如鵲或如鷗兩臂援攫拏一足夔跼蹐
遙望目已眇下臨心更燒洞口闐然豁神燈夜光搖

中有諸佛像膜拜來殊微世尊說大乘迦葉示微笑
藥叉魔波洵各各護持効目犍富樓佉大德修行効
不二啟法門文殊提其要騎象跨狻猊那用輿輿輶
一一具好相詎有胛肥誚千佛本一佛心性人各抱
三教理同源我

皇並深造

春巡厯臺懷晴雲披絮帽四禪透宗旨掃除儒穢
因過白雲寺遂指西峪廟甘露功德水滿月天人

精舍樸而古，祕竅窈且窕。直上試輕輦，不辭路迴繞。
言登絕頂望積雪，四山耀法螺。鐘磬聲空際，聞大樂。
山田麥抽萌，村舍粟藏窖。占豐窺璇樞，祝

釐闡象教，嶽靈答蒿呼。洞府供

宸眺，宗鏡微乎微。傳燈道可道，溪光皆空明。谷音自
清妙，天工巧渲染。著色匪意料，紺宇列如麻。茲焉獨
幽峭，付戒馬駒踏離怖。鶴王叫於茲，托新詩泠泠鈞。
天調造化運，爐錘理蘊入。

燭照

小臣

叨載膺下里望莖節追趨豹尾後異境慙

未到韻奇已迫窘况欲窮禪奧

恭和

御製反李白丁都護歌元韻

張映辰

沿隄綠草護沙淺日色旰粟米更魚鹽東南天下府
柔艣下江烟清歌雜風土但言估客樂那識南中苦
人事可勝天立法况逾古銜尾萬舸艫轉漕非小補
豈無島夷服亦有襄陽賈晨夕得遄邁遠近由歸

三才圖會卷之五
三
懽唱都護謠春旌遞芳游

恭和

御製虎邱寺三疊蘇軾韻元韻

張映辰

經過宛轉橋坡陀忽成嶺春風叩巖戶淪漣石底井
寶劍乃空傳凌雲氣徒耿電燒江岸蛇雨落天池鼃
明珠不潛淵良玉詎留礦誰言尺寸鐵終有裂山猛
徵事必典常傳詞乃高騁

皇情斥悠繲作者應慙嘆古懷若晤答千載猶居頃

天清歌管繁水爭屏山冷

豫遊偶一過

舜絃揮曰永春茗無晚秀滿目攬華景風傳綵世聲
香送金羈影便擬泛吳趨詩誦更陳請

恭和

御製虎邱寺三疊蘇軾韻元韻

雙慶

晴波灩赤欄見寺不見嶺陡起坡陀石上有蓮華井
三千越溪鐵虎氣長耿耿自從躍波去春雨吟岩屋

昔爲珠潛淵今作銀離礦
倘仍蛟龍化歸挾風雷
皇情辨昭晰訂事斥馳騁
大韶和鳳鏘衆作鳴蟲哽
何殊登莫釐俯視三萬頃
吳山第一觀照面溪光冷
雲垂棟宇峻風曳管絃永
佳麗接盤閫和韶散烟景
迴瞻翠微路夕陽挂塔影
三疊自

御題鑒彼披誠請

恭和

御製觀海塘誌事示總督楊廷璋巡撫莊有恭元韻

李因培

東溟斷鰲立一氣包坤寧之江自西注奔騰擬龍形
海濤逆流上交擊勝負更雄雌當未決三疊屹然巖
水勢受拘迫拘怒殊不平南距古會稽阻山猶可恒
盤官據北岸井邑鴻毛輕解波萬里來胡以資障屏
長隄一縷巨本護三農耕隄成沙漸漲稍用慰生靈
云何桑田改雪浪緣隄行邑東石塘固不畏狂濤經
其西積薪作久或蟻穴生庶幾概甃石石壘衆橫壘

或云沙性活金椎築未能否則柴石兼稍卻工足憑
聖主勤民切慮非口舌爭

鸞旂一

親屆勞心與力并試築果未安量移復溝阡田廬况
綺錯厥策俱未應不如堅柴塘向若庶無驚內築倘
外棄百室愁淪傾權衡既精審

膚慮周大瀛乃

勅益柴值采山得專營竹絡巨其外無殊累甃成期

令濱海邑千秋常孤撐大吏稟

聖算犁然得章程豈伊憂民憂用以答

精誠

恭和

御製初遊龍井誌懷三十韻元韻

張映辰

晴開湖上山參差青可數就中兩峯高勝概自包舉
龍井最奧奇來遊今始覩山靈未洗豁蒙昧意殊若
一出冠衆名得此闕已補溪鳥先報晴林花名爭

有如青瑤宮玉峽遭神剖鏘然琴筑聲耳接心已許
真珠忽噴薄巖齧飭齧齧深沈注作潭灣環疊爲嶼
連蜷欲呈眉突兀似揚武層層轉更上眼界變頃步
絕頂瞰全湖極目際平楚始從高妙境窮覽仁智所
中泓有靈物潛淵自逸處霖雨時一爲施澤在人巨
表異自辨才臨流爲增佇法鼓叩沈寂請證釋迦譜
人力非所加開闢從天與烟霞作錦繡春陽爲綵組
林鷺出谷吟山鷄踏花舞新雨染衆綠盡日香一炷

不知修竹間何處
區中主千尋飛瀑流
方可遶而俯
苔梅晚尚開
峭岬通亦阻
恍登闕里門
不能辨亞旅
天行紀一周
星次歲壬午
風光正妍麗
地勢實藏聚
山川非効誠
世上安得取
表章

垂鉅篇高望猶曠古

恭和

御製青峯寺元韻

劉星燦

振策愛朝霽
攀蘿憩林陰
延緣陟初地
仄徑

峯頂挹寒翠欲下忍不禁凭檻睇方罫宿麥如秧針
薊門暖遠烟太行蔚丹岑羣山與萬壑戶牖羅崎嶇
足慰

省方念兼契柔遠心哂彼疇與愿幽異寧悉尋

恭和

御製移松元韻

于敏中

松性本勁達移值當夏長旣離叢薄翳乃識泰宇蕩
左詩慰蔭鬱璫筆釋枯強自

天裁者培得地全所養幸因潤澤暑矧復托豐壤疎
碧倚石森新柯眄庭敞之而勢與遂埆燥溢益廣詎
惟十年計行作百尺想

恭和

御製展癸未書和過溪橋卷再疊前韻書卷中元韻

錢陳羣

寶地煥

宸翰餘輝被山邱和風拂琅玕逸韻清於秋辨才

廬處

芝罕會重留苔紋篆古石雲影涵深湫嫩茶吐嫩
新筍駢貓頭竊篠空山中盎然春氣浮蘇子比園令
誰分劣與優清修愛元淨髣髴惠遠流逸事亦足傳
百聞過溪游名蹟邀

膚賞寧有無沒憂

恭和

御製太古堂對泉有作元韻

尹繼善

有堂傍精廬風光自今古窗外青楓多歲月渾難數
白鹿湧清泉環階復潤礎潺潺時有聲恍欲向人語
臨流一問之靜深誰似汝

恭和

御製萬松山房元韻

尹繼善

一逕入清幽山房依古寺蒼虬盈萬株各有向
濤細午風涼陰濃晴靄翠時縱遇三春無心爭妍媚
笑問桃李花是否堪同類

恭和

御製登舍利塔元韻

孫 願

香塔依古塞丹梯陟崇臺神秀造化鍾
誅蕩天門開宸襟豁眺矚地勢憑崔嵬
半空雲飛揚直下水縈迴人語聞自天
山風響於雷禪宮有傑構淨土無纖埃
輪轉誰躋攀鈴吹定徘徊方知九霄上
應仰

六飛來

恭和

御製登舍利塔元韻

劉星煒

溫廣旂檀林駢駢蓮花臺九級盤磴上八牖凌雲開
玉筴閟情爽金鈴懸歲嵬歆景磬石秀倒影灤江迴
珠旒朗慧日鐘梵闐殷雷良位鎮翠堵震旦祛氛埃
燈王受調御

法駕斯徂徊

佛言息辯囿此峯寧飛來

恭和

御製食蔗居元韻

周 煌

塞山豈不佳佳處行且止會須更入勝不問可知美
仙居取喻蔗飲眼良有以三山不可到耳食亦多矣
譬如飽櫻人內熱寧免此旨哉

聖藻流天漿誠酌爾

恭和

御製兩江總督大學士高晉總河李宏等奏報黃河
水勢漸消各工平穩詩以誌事元韻

程景伊

河勢東南趨蜿蜒歷數省挾河灌清口淮泗實要領
治河兼濟運防護宜屢省隄埝歲增修安瀾方底定
今年秋雨過漲盛力逾猛激盪破空來濁浪同溟泮
次第閘頻開漫水猶及頂啟壩亟宣洩築堰並幫餉
在事殫經營消落獲安靜兼之洪湖旺勢敵力堪併
下遊兩邑災被淹亦偏眚
詔書勤勞來哀鴻未爲窘大哉

懷柔功誰云屬天幸

恭和

御製兩江總督大學士高晉總河李宏等奏報黃河水勢漸消各工平穩詩以誌事元韻

申甫

東南治河議自昔滿臺省老生多常談迄未得綱領
翠華勤四駕淮徐屢

巡省蓄洩

示幾宜一一

親審定今年夏秋交清弱黃較猛韓信釣臺下濁流
何湏滓護隄檉柳青搖波餘樹頂倍薄與增高乘時
競培餞上遊急疏濬水分浪稍靜助清以敵黃兩壩
勢力併鹽河更減洩下澤或微胥
惠養遂有加生計念貧窘萬口頌
皇仁吾民亦何幸

恭和

御製閱永定河作元韻

趙佑

潁潁古渾河無定由來舊厥從改今名歲築還防溜
上勞

睿慮詳惟恐民害受

發帑

簡重臣內外同時赴下口與上源一一勤討究用疏
濬決排各後先奔走因勢俾東注順性原下就萬頃
漑具足數鍾畝倍收宣房豈足矜禹績欣再觀告成

親莅視盡善在貽後嘉名信不刊永釋生民疾

恭和

御製閱文安隄工再疊舊作韻元韻 趙 佑

津淀七十二風水時喧虺東西一隄亘民戶向水開
最窪文安田頻歲澇成災獨賴

皇仁薄賑蠲加護培免使汗萊卒業已

降福皆上年徧豐稔此土經疏排

匱念猶不已

親覽田中咳

咨詢飭大吏覈實籌將來赤子爾何幸自今益康哉

恭和

御製塞湖載月之作元韻

申甫

至人心若鏡隨地得清景矧茲塞上湖不知幾千頃
滅滅

聖澤涵洋洋大趣領少焉明月出桂輪掛松嶺水光
與月光罔非真實境輕舟載月行水中見舟影但覺

水與月湛然同一靜

宸懷於此豁道妙相與永遙
夜岸風涼玉衡低素練

恭和

御製留雲室元韻

曹仁虎

築室就奇石石亦得位置
靈根弗加劖好雲可坐致
滃然几案間時帶氤氲氣
黛凝骨自腴苔駁姿彌粹
膚寸合

聖心行普化工利

恭和

御製遊獅子園元韻

百齡

園開西北隅境異烟霞里
靈峯肖狻猊細石羅玉子
如張倪瓚圖雲林護

皇卽萬載欽

璇題佛光共頂禮乾坤披洞達勢莫大于此要惟
聖人居蘊淑乃能爾

恭和

御製三賢堂三疊高啟韻元韻

倪承寬

唐代重刺史不數詞賦賢堂堂姑胥郡乃以三賢傳
三賢節不同晚節占茹連良吏如良醫民病始得痊
文讌列畫戟比陶爲散仙竹枝傳蠻洞桃花泛前川
香山老居士醉吟擬青蓮緬惟裴晉公汲引利易牽
英賢相酬復登進會昌年鴻篇與雅製煜耀騰雲烟
青邱好詞客逸韻餘清妍

天藻再三疊光采照几筵告彼牧民者珍重吟此篇

恭和

御製三賢堂三疊高啟韻元韻

董誥

吳人重循績度地祠唐賢
躋薌富篇詠由來愛斯傳
斯人守斯郡稱地以人連
左司少折節如痼尋復痊
凝香坐燕寢無忝吏而仙
香山刺杭後移郡茲涉川
難拋西泠棹來詠香水蓮
劉郎本涼薄易爲權要章
泣吳有治行想當會昌年
一堂俯平野遺躅隨荒烟
尸祝循良吏寵光草木妍
百世奉俎豆三吳綿几筵

爲語守土者銘坐須

睿篇

恭和

御製題龍門三疊高啟韻元韻

倪承寬

高啟吳中詩百篇詠名蹟展卷如披圖一一識明白
天平萬笏攢豁處半空劈名之曰龍門遂有龍吟夕
風雨穿璫瓏雲霧補罅闕一綫曦烏停半嶺空翠積
前趾壓後頂中通駭外隔陟磴千盤紆臨崖二分窄

樵響生天風
梵唄駐月魄
俯瞰獅虎形
回蹠蛟螭壁
法螺險徑通
高義清飈激
緬維青邱蹤
紬繹名山額
磨崖渙

天章攬古溯
往籍龍門屹
青空嗤彼詞
賦客

恭和

御製題龍門三疊高啟韻元韻

董誥

曾非香山泉
恰有龍門蹟
萬笏標天平
一峯同太白
不假神禹鑿
豈須巨靈劈
雲卧冷衣裳
氣佳且日夕

跌蕩隣天閭，綈綈聚巖石。但覺修眉舒，還疑紺乳積。
呼吸洵可通，仙凡或仍隔。得路應漸高，取徑何嫌窄。
來遊緬芳蹤，欲上慄吟魄。篇詠傳青邱，鐫題訪翠壁。
爾時木欣欣，是處水激激。竊思振我衣，剩欲叩以額。
問誰卜巖棲，于此攜載籍。三疊仰宸吟，千秋陋逋客。

恭和

御製題龍門三疊高啟韻元韻

德昌

吳中天平山龍門留舊蹟層崖聳時聞一綫天光白
上斷下復連鬼斧何年劈靈氣往來通多在風雨夕
老樹鎖高巖枯藤抱危石雙懸翠嶂青苔蘚千年積
入雲得奧區異境初不隔梯徑許攀躋振衣輕險窄
詎有波濤驚顧茲終動魄自邀

睿賞經輝光照巖壁詩韻疊青邱

詞源驚峽激想像禹門高念點神魚額凡骨愧庸愚
謬托神仙籍叨奉

屬車塵豈羨登龍客

恭和

御製詠旃檀林鳳尾松三疊乙未舊作韻元韻

吳省欽

石穴徙嘉植雨露

恩不計娑娑鳳凰尾而作龍蛇綴摩頂認

仙莊盤根遶福地佛說旃檀林恐無此盛事萬彙生
自天

聖澤俾成遂風雲相與清枝葉交加翠一撫一徘徊
長養賀遭際縱非楨幹材譽樹孰能逮三庚避之否
六甲守者異他時孕伏靈何止一千歲

恭和

御製浙閩總督陳輝祖奏海塘開濬引河工成詩以
誌慰元韻

戴衢亨

錢塘鎮東南茲地實雄繁潮來萬弩強沙束雙隄近
張坍仰

睿謨仁政施不忍爲籌盤石堅豈惜帑金損潰防蟻
蟻缺險壓蛟鼉意頭圍昨穿渠一綫看溜引沿流勢
彎環安軌象平準工就驛章聞

帝曰俞惟允浙西號水鄉疏濬繫民隱嘉茲大吏誠
逮爾庶司敏翹首

翠華來南風奏徽軫

恭和

御製觀瀑元韻

戴衢亨

瀑源構亭子秀與諸峯殊垂紳象宛爾挺玉聲淵乎
風泉迴宜眺雲構不可模目謀勝耳謀空色語非謬
會心豈在遠靜觀有是夫蒙爲德所育漸乃聖之謨
文津從此滙願以覘道符

恭和

御製批摺元韻

戴衢亨

仙莊每歲來

躬覽萬幾要批決洞無遺

諮訪意彌劬爲厯農畝私每佇驛章告綢繆課早遲
瑣屑占晴澇最茲清慎勤軫彼租庸調今年三輔區
陰雨芄苗膏懸知塞北豐更說江南樂齊州沃野滋
豫壤甘霖報秦隴燕代間屈指秋成到休哉播嘉祥
所貴登儉約時清鮮訟爭人和欣普淖似聞擊壤民
鼓腹羲皇傲

恭和

御製蒙古田元韻

戴衢亨

皇風浩無垠熙攘自來去遠哉蒙古民比戶耕且穫
居然事農田未免棄游牧昔逐水草居弋獵乃當務
豈知稼穡甘更鮮家室慮人情喜便安地利難循故
嚮風久益誠懷土樂且豫戰鬪已忘勞攘奪或滋懼
舊附與新藩歲歲講東作願言戒太康遑復思其除
卽今版升居聚族曰完固宅宅與田田何異列氓庶
慕效良有由權欣亦同趣應知共太平風俗敦淳素
謳歌萬里遙衣食三農寓長遊

聖人字不用頻

詔諭

恭和

御製蒙古田元韻

杜玉林

蒙古逐水草驅馬信來去所重在射獵不僅謹耕獲
自甘事芟耨遂爾懈游牧量雨課晴時宛若農圃務
聖懷稔厥然惕爾爲遠慮雖則圖其新未可舍其故
中外今一家萬物樂豐豫惟夫泊安久益凜冰淵懼

獵者勿憚疲耕者宜急作武事不可忘食政豈容除
維勤勵精神維力資防固豈如前代治孱弱棄黔庶
邊人舊風俗宛若幽詩趣勉旃葆其樸述矣存其素
溯治要厥歸

聖言匪輕寓爰

歌蒙古田

仁心咸曉諭

恭和

御製河源元韻

嵇璜

隨刊緬神功夏載厥有四洪河水之宗北條巨大地
積石始導之歸墟所無事周官記鯉沈禮重先河祭
漢使初窮源博望持節至圖經尙闕焉遷固亦弗備
或云發昆侖或云葱嶺是考訂旣莫憑牽涉更無謂
那知鹽澤西真源此攸寄尋源更討源窮探益深遂
湛湛搖金光未許間色厠伏流忽一束勢若駿馬勒
土人但稱名相沿未解義侍臣銜

命往更與細譯字燦爛黃金河循名良有意熒煌北
極星天樞孰司契緬惟太極初靈區此鬱積清寧各
得一元黃乃分二流時遂殊形扶輿豁蒙翳史家但
拘墟毫釐謬千里矧茲西極西冥搜誠不易天池醴
衆流散作金一色逶迤更幾折渾渾挾沙致二水本
一源傳聞何互異舊說銀漢通俶詭紛載記覈實煥
宸章千古訂浮僞

綸言史館宣源委指掌示河伯應效靈萬福迓

天賜

恭和

御製河源元韻

曹學閔

治水推神禹辛勤載乘四河與濟江淮一一行由地
然祗疏其流尋源則未事所以漢唐來河源惟望祭
我朝幅幘廣迤西罔弗至況當

昌運期事事臻明備千古傳其疑

聖皇辨其是治河祭河源源必實所謂乃

命阿彌達欽哉惟爾寄溯洄勿憚勞務窮極深遂歸
來

上新圖舊圖等濫厠別色水獨黃惟阿坦郭勒以金
名黃河是可會其義巨石象北極更詢蒙古字天池
水下注於斯得大意前史志河渠大抵乏精契祇知
溯星宿未考伏流積雖不至差池得一失其二總緣
史未詳千載嗟蒙翳旣疏於精覈且限於道里西域
入

輿圖驛使便且易星宿西南流遂窮黃水色從此得
真源允惟

德所致昔人窮河源事惟紀神異浣紗與支機紛然
述載記豈但疑傳疑亦且僞無僞奉

勅輯紀畧揭若日星示

聖德超神禹奠安民受

賜

恭和

御製河源元韻

戴衢亨

水經聚訟紛闕疑十三四黃河天上來萬古流大地
洪惟委輸功可無蒐討事漢使證河源壁馬勞禋祭
虛傳博望槎鑿空曾一至在昔至元時輿圖亦云備
鄙實奉使行鄂敦求近是境猶隔方隅語已失稱謂
國家聲教洪萬里通驛寄占風逮遐荒測晷窮幽邃
茫茫德水遙衆派紛來厠粵稽前代紀烏睹成書勒
昨者祀河宗秩文參禮義

遣使溯真源對音審歧字遂通郭勒名更識齊老意
石壁聳巍峩星垣合符契流從赤壤分燦若黃金積
乃知瀆者獨源一不可二

鴻文媲典墳曠古發蒙翳如車定指南似鼓方記里
治說旣以正博采應不易按諸元史文証以中央色
更求古昆侖鹽澤遠莫致伏流切有徵圖書本無異
因之

勅館臣始末宜悉記考信戒傳疑辨真免滋僞書成

四庫收秘奧千秋示靈蹟豈偶然昭顯亦

神賜

恭和

御製安徽巡撫書麟奏呈鄉民挖蕨得米詩以誌事

元韻

二首

玉保

偏災誠偶然賑恤有至計

慈祥默感格遂肇非常事

聖德謙不居得粟出

天賜撫茲補救奇微窺造物意水旱爲民艱古聖時
屢致諭年雖云歉仰食乃有地假此慰
宸衷用以示利濟包匭進

御厨粗糲重

親試小民亦有心感至欲隕淚大吏慎所司思之益
抱愧佇見百穀登豈特此爲瑞乃知

恭儉心不擇稻粱味藜羹與土鉶共仰

堯舜志

惟

天鑑

聖心默佐救時計惟

聖感

天心歸功造物事愚氓飽饗殮熙熙享

厚賜但爭取攜便莫悉象養意掘土快有餘任人力
所致如開倉庾儲不辨肥磽地籌盈而筐溢施博而
衆濟數畝望何窮利器競相試更無失所憂誰灑窮

途淚民思含哺嬉吏切素餐愧率育迓殊祥嘖嘖稱
上瑞大哉淳朴風如此米粟味

親嘗先萬民敦龐治衆志

恭和

御製旃檀林對雨元韻

金士松

急雨溢溝漕過盛或致霖塞山則不爾萬壑涵遙岑
矧當快晴後新翠霏香林驟或膚寸合勢異三日霖
高齋坐清迥靜挹天漿斟飄瓦荷上珠韻澗風入琴

瞻眺意方愜夕陽漸西沉宿踐勝游熟新賞詩境尋
所欣雨暘若

仁愛符天心

恭和

御製曉景元韻

阮葵生

淡月下南楹彤暉矗東宇池鱗煦跳波林翰翔接武
晨颺貼體柔曉嵐奪眉嫵馬纓葉並舒蘭箭香齊吐
綰巾折疊陳綳帙左右伍呦呦鹿斯鳴軒軒鶴交舞

茂對洽

天懷眺覽憩

宸覩五字齋春和

句中恩意普

恭和

御製就松室有會元韻

吉夢熊

礫礪千丈松突兀黃山道構室就其陰有若般匪造
初入已幽貞稍深益清好自古庭堦間嘉樹以爲寶

皇心精覽別衡材必提要珍此歲寒姿楓柳卑合抱